

之出神入夢擲傘投冠其他騰凌滅沒之事皆其權智非師本教憲後之學者有能體祖師之苦志鍊行闡化度人以達於成已成物則將來秉筆者自有定輪固無但私於我祖庭焉至元甲申歲二月初吉知常感德大師提點終南甘河鎮遇仙官事王道明序

終南山祖庭仙真內傳卷上

美山天樂道人李道謙編

川二

玉蟾真人

師姓和氏名德瑾秦州甘泉縣人天姿整秀志學之歲攻事翰墨及冠隱身為刀筆吏然處事中正以道存心未嘗取非義財遇高人勝士靡不參請天德間以部掾出身方將遊仕宦途忽一道者過門師延至家酌酒談玄大適其意少焉而去他日道者復至臂擎一梟謂師曰此物雖許大眼了不識人師乃悟為異人因問其鄉里姓字不告而往後月餘道者復來身染厲疾止於其家膿血汗穢殆不可近師為名醫百療不效經歲乃殂師備禮葬之又數月一老嫗詣門泣且告曰老身有兒性嗜雲水不事家業近知遊居貴宅特來相尋師告以病殂嫗慟不已曰老身與兒止是二口兒今既死何所託身師請以母禮事之一日嫗曰吾欲啓墳一觀兒面雖死無憾懇告再四師為發塚但空棺而已中有祕旨一幅老嫗亦失所在師嘆曰吾今遇真

仙尚汨沒塵空中果何為也由是默妻棄子易衣入道時聞重陽祖師亦遇真居終南乃往參同大定三年於劉蔣村結茅與靈陽李公三人同處既而心地圓通大得其妙七年丁亥重陽東遊海上師與靈陽共居暢道十年庚寅春馬譚劉立四真將至師及李靈陽時寓終南太平宮留錢於貨美之家謂曰今日當有丘劉譚馬四仙客至可善待之良久四人果至貨美人邀之曰公輩豈非丘劉譚馬邪四人相視而笑曰汝何由知之曰和李二師已留美錢矣四子嘆異食畢往見忻然相得師嘗命畫工寫真僊虎而睡眾莫能曉秋九月初師忽覺道體違和丹陽命長春侍疾至十四日備然順化四子葬于劉蔣巷側畫僊虎睡者乃預表歸期在寅年也升仙之後有臨潼張公久患風疾眾醫莫效將屬續之際夢師至門告以治療之方問其姓名曰吾終南和玉蟾也覺而其疾少愈用其所告之劑疾果頓差張就菴設齋建亭以酬其惠謚曰玉蟾普明澄寂真人今祖庭石刻尚在

靈陽真人

師姓李氏京兆終南縣人聰明特達學問淹該天德間遇異人點化自是落魄不問家事視富貴若浮雲遠名利如桎梏徜徉泉石以道自樂藉光晦迹素厭人知故終身不告人

名字里人但以李真人呼之至大定三年與重陽祖師洎玉蟾和公同結茅于劉蔣居之其於鉛汞龍虎之學多賴重陽指授七年丁亥夏重陽東遊海上師與和公止居劉蔣修身接物重陽至汴寄之以詩云傳語和公與李公首先一志三人同其為交契可知矣迨十年春重陽升仙于汴梁丘劉譚馬四真入關待二師以叔禮是幸秋玉蟾亦假化師與眾真同處二十八年春正月長春丘君奉詔赴闕拜別之際師囑曰重陽謂汝必能大開玄教今其時矣萬一善自保愛來春鶴馭早還吾專俟汝為長主秋八月長春得旨還終南是冬盤桓山陽淮洛之間明年春二月丙歸過鄆郊秦渡鎮道眾請留數日自旬日前師無恙絕粒不食眾問之曰汝輩無慮吾惟

待喪主而已即遣人促長春亟歸既至拜於榻前即賜之墨長春悟其旨命匠造棺未及成師已順化時三月初一日也長春以禮葬于卷側之仙塋敬謚曰靈陽輝耀演化真人

劉通微

先生姓劉氏諱通微字悅道默然子道號也東萊掖城人世為鄉里右族個儻不羈在弱冠間飛鷹走犬博奕鬪雞迷於花酒之場一旦染奇疾幾至不救夢入仙家之境已而平復遂悟幻化之理以道存心大定丁亥夏重陽祖師特遊海上道過掖城見先生神情爽邁有飛舉雲霄之態與之同話機緣契合授以修真秘旨及今名號先生既得印可即棄家長往杖策入關中結茅于終南山甘谷之側吟風嘯月枕石漱流放懷塵世之外庚寅春丘劉譚馬四師西來先生相得甚歡同葺劉蔣菴居之既而四師復詣汴梁負祖師仙蜕歸葬於卷側先生廬墓三年北遊嵐管內全道妙外應世緣樞衣請教者日不虛席於是立觀度人玄風大振於西山矣嘉聲遠播

名達皇都明昌初道陵名至闕下問以九還七返之事先生曰此山林野人所尚陛下居九五之位四海生民之主不必留意於此但對以黃老清靜無為修身治國之要上悅教館于天長觀尋遷永壽道院開堂演道三教

九流請益問話者戶外屨滿未幾得旨還山賜御書以寵其行翔翔於齊魯間至棗州商河縣聶家莊謂門人曰此吾歸休之所也因葺治廬舍居之一日焚香禮聖集眾囑以修真之語曰師真有閩風之召吾當歸矣奄然假化即承安元年二月十五日貞元節也平生所作詩詞目曰全道集行于世仙化之所今大建朝元宮矣

史處厚

先生家世乾州醴泉姓史氏名公密初自垂髫心慕至道大定壬午歲聞重陽祖師遇仙受秘訣養道於終南時走而請盟遂蒙允納教以全真性命之學仍訓名處厚號洞陽子自是乞食鍊心性來於終南鄆社間七年丁亥春重陽將游東海欲令侍行先生辭以母

老不敢遠游重陽遂書三醫道者立於雲中傍有一松一鶴付之曰謹秘藏之此為他日參同之符及庚寅春重陽仙化於汴梁丹陽宗師率三友入關至長安孔仙養先生徑往參謁時丹陽初頂三醫先生出示重陽向日所留畫圖大為讚異四師告以海上關化汴

梁升仙之事述相印可相得甚歡即與四師同葺劉蔣菴居之丹陽屢以詩詞訓告次第誘掖不數載間克臻大妙後復還醴泉和光玩世不拘禮法時人以史風子呼之忽歌舞於市唯云歸去蓬莊衆俗莫曉如是者三日徑來菴中奄然蟬蛻時甲午六月十五日也官僚士庶靡不瞻拜初葬醴泉明年丹陽移葬於劉蔣之仙塋開棺視之顏采如生丹陽以四言讚之云史公得遇得遇重陽重陽傳授傳授玄黃玄黃至理至理不忘內持修鍊外絕炎涼水火既濟日月交光龍吟虎嘯坎房木金間隔姤女圓方刀圭爛飲知味聞香神丹結正見耀晶陽風仙來度顯出嘉祥歌舞三日辭別街坊惟云歸去趨赴蓬莊

復入菴內奄然坐亡觀者雲集事理匪常一靈真性班列仙行道業讀此讚文自可見矣享年七十有三中統癸亥再遷仙塋開壙視之僅及百年骨雖散亂其色如金其堅若石余所親見者也異哉

嚴處常

先生姓嚴氏名處常號長清子京兆灤陽縣人即重陽祖師之外戚幼習儒志尚清虛以父母在堂未能高臨物表為縣法司臨事慈愍一日向暮還家路拾遺書一卷題曰玉靈聖書得之者仙於是焚香祝曰我今二十有九誓於不惑之年潔身入道祝畢酌酒於醴盆中有聲隱隱若雷家人咸以為異後踰一紀二親俱喪忽患自疾治之愈甚默自責曰昔得聖書誓以四十出家今過期矣此疾稍痊即當從道無何目明如故遂往終南劉蔣菴重陽祖師願受教為門弟子時大定癸未歲也先生既蒙允納克志于道數年祖師授以微旨七年丁亥夏祖師東遊先生邀遊終南泉石佳處願神毓浩十年春丘劉譚馬四

師入關蒙丹陽宗師復為印可仍贈之楊柳枝詞云一虎一龍一處眠打盤旋一呼一吸一周天徧三田一麥一麻通一線梟祥煙一來一往一還元產胎仙先生拜受自是了無疑障居祖廬又逾十載道契真常以二十三年癸卯夏四月八日焚香辭衆無疾而逝春秋七十三矣

姚珣

先生姓姚氏諱珣號雲陽子終南蔣夏村人世為鄉里巨族父祖俱好賑贍貧乏多積陰德乃生先生丰神灑落超然挺出塵之姿性甚仁慈聞人有急必往援救與重陽祖師有總麻之親大定丁亥四月重陽詣門告別先生問將安往重陽告欲遊海上丘劉譚中捉馬之行先生素以害風相待笑而別無何重陽自汴京為先生寄藏頭拆字詩一章云前相識二官人你真靈看好因抵芝苗公未識成道米次須屯蒙卦聚神來枯左源通氣轉新斧若磨交利快頭一點遇長春不數年丹陽輩來居劉蔣菴先生所居相去數里聞之

往詢其始末見丘劉譚馬四師皆凌雲仙客愕然歎曰向重陽告別之語今果驗矣我輩常以害風待何愚之甚邪由斯頓悟乃棄家捐累乞受道於丹陽宗師丹陽教以修真真旨及賜今名號仍贈之詩云灰心忘富貴橋體樂清貧甘作逍遙客長為自在人氣中須養氣神內更願神不著纖毫假方能得至真恭侍左右多所傳授先生得法之後目不交睫骨不占席十有餘年深入大妙壬寅丹陽東歸寧海先生從行迨丹陽上仙先生遊歷磁相間愛滄陽風俗淳厚築白雲庵居之隨機接物演化度人一日謂眾言曰師真有命吾其歸乎於是沐浴更衣跣跡而坐日方車午寂爾返真異香芬馥移時而散享年七十二平生所述詩詞號破迷集行於世

曹瑱

先生姓曹諱瑱道號朝虛子陝右坊州人家世鉅富猶子微美叔早登甲第先生少讀書鄉里以孝悌稱為人忠厚謙和襟懷蕭爽壯歲遊場屋間屢中高選天定甲午暇日因覽

仙經道典捲卷歎曰人生浮世无陰電回條然而已不究生前妙本出世高標果何為哉雖有學仙之志罔知所適聞丹陽宗師於終南祖庭居環堵先生徑往參謁一見神合氣協若有夙習之契丹陽納諸門下教以道要先生既蒙接引心知至人不易遇也遂捐進取心以水依歸丹陽知先生逸氣超邁妙識高明一日因先生靜室澄坐思造乎靜丹陽詰之曰學道歟先生稽首而跪乎前曰學欲進而求之能也丹陽曰夫靜也者天命之原仙聖之本習而進之猶假翰以登天反思而究則如坐堂上而觀階前也不曰靜乎櫻而不煩不曰真乎作而不妄先生拜而謝曰瑱得之矣自信而不疑自明而不昧自古自今繩繩而不絕者其斯之謂歟丹陽乃首肯瑱再拜而退後得玄門十解元者自先生始也凡初入道者丹陽以先生為兄壬寅丹陽東歸寧海先生待行明年丹陽羽化先生代師行化海上明昌中與雲中蘇公無染柳公奉長春師叔命同飛鳥燕薊演化度人應緣接

物十有餘年玄化大行於泰和丁卯夏四月先生時寓燕都城東永壽觀忽告眾曰吾當歸矣不數日示微疾而逝道眾具禮葬之觀東兵後乙巳冬改葬于五華山慶成歲十二月奉朝命追贈翊玄惠正朝虛真人號蓋掌教真常真人請之也

來靈玉

先生世為京兆右族姓來氏諱靈玉道號真陽子幼習儒業鄉里以解元呼之大定十年間禮丹陽宗師出家迨丹陽東歸海上先生侍行嗣後事跡無所可考姑略紀其大槩他日得之當為詳錄

雷大通

先生姓雷氏名大通道號洪陽子世為延安敷政之巨族身長六尺情懷雅淡不事小節肩踵自秀耳大準直脣如渥丹鬚髮美細幼業儒素嘗以詞賦魁鄉選故時人以解元稱之雷大定乙未春方夜讀書燈下月朗風清欲竟三鼓忽聞窗外以杖畫地聲既而言曰可歎愚迷設用功浮華一夢轉頭空何如立

志修仙舉水住三山最上宮先生剝啓戶出觀了無所見秉燭視之見以杖畫向詩四句後畫崑崙二字先生自是了悟空華頓悟學仙之志是歲秋因赴試長安聞終南祖庭有丹陽宗師闡全真教法即往謁之一見若有夙契乃作詩二絕寫懷以呈宗師即繼韻答之云鏡若聲價勝蘇秦不似韜光更匿名物外道運真坦蕩巨初一點自然明靜清便是長生訣捨棄妻男沒口傳悟後知空靈著有自然獲得好因緣先生焚香拜請願執弟子禮宗師留於座下訓以今之名號朝叩夕請於道大有所得壬寅夏丹陽東歸先生留居祖庭日進道業甲辰春聞丹陽上仙杖屨游海上莫祭墳壙迨明昌初迤邐西來道滿滕郡受崑崙山巖壑幽邃築修真養於響石澗接真養浩演化度人厥後詣門受教為門弟子者數百人惟靈真子馬了道清明子王志專為入室今各建方所引接後進至大安辛未秋先生謂門人曰百六數窮劫災斯至生靈魚肉吾不忍處世也無幾何示微疾而逝門

人葬于修真菴側未幾兵甲擾攘烽煙傾洞後至大元撫定人煙稍集歲庚戌先生之高弟清虛真人張志洞至自武川觀先生宅兆早隘封樹草略即會四方法屬備水合石柳大行改葬於雪山仙營靈都宮以弟子馬靈真王清明相于左右仍構堂設像以事者大

劉真一

先生姓劉氏諱真一道號朗然子世為登州黃縣之巨室父祖以儒學起家積德奉道鄉里所稱先生幼喪其父讀書日記數千言辭源浩瀚弱冠間試藝春官得占高甲時人以解元呼之然每以世事為不足玩常有凌雲邁往之志忽得泄瀉之疾纏綿彌年已及膏肓百療不效大定己丑秋重陽相師挈丹陽長真長春三真過其門母氏設齋供養之且以子疾告相師視之曰此吾門大士非汝家子也許之入道則可矣母氏焚香跪於前曰此疾果愈俾侍几杖以從相師以餘飲與之既飲汗出如洗厥疾漸瘳迨明年相師已升仙於汴梁先生入關詣慈南劉蔣村禮丹陽

宗師出家未侍既久得付女旨壬寅夏從丹陽東歸癸卯冬丹陽將羽化召先生屬之曰汝等要作神仙須要積功累行縱遇千魔萬難慎勿退墮然後可領吾言我開眼也見瞑目也見元來不在眼但心中了然則無所不見矣又曰汝緣在北方可往矣先生拜而謝丹陽既升仙迤邐北游平灤之境所至請益者戶外履滿一日至撫寧縣愛其山水佳勝築重陽觀居之厥後度門衆數十餘輩勸宮觀大小僅三百區北方道風洪暢先生闡揚之力居多至泰和丙寅歲二月初六日召入室弟子邱道明等曰吾其歸矣昔丹陽將升仙囑予進道之語汝輩當無忘金玉集凡入道者不可不觀為我錢梓散于多方可也須臾儻然假化平昔所作歌詩目曰應緣集行于世矣

李大乘

先生姓李氏世為平涼府華亭縣之大族幼習儒業長於辭翰早年嘗中鄉選迨中歲至御簾下第慨然有煙霞之志大定戊戌秋丹

陽宗師行化西來先生邀于私第事之丹陽日談道妙於是黠妻棄累改衣執弟子禮丹陽訓名大乘號靈陽子日受真教由盡妙蘊己亥二月十五日丹陽就先生花園築環與先生同居約百日為期仍贈之詩云西北亭

川環堵居此中堪可隱吾軀眼前碧竹數君子面對青松二大夫流水假山兒戲爾清風

明月汝知予若能悟解予栽韭時宗師環中栽韭以寓志也有分靈光赴玉都丹陽又見花園中林檎

一株久已枯死於四月十四日命移於環內

我之仍作詩云天上三十六地下三十六天地入寶瓶七十二候足後至五月二十日青

芽編吐枯榦復榮丹陽謂大乘曰四月十四乃純陽降世辰也至此日吾之生辰也相去

三十六日天地晝夜相合為七十二候足矣

先生作異水記以紀其神刻諸貞石無何丹陽挈先生來終南祖庭居數載之間屢蒙印

可壬寅丹陽將東歸長春謂先生曰吾道東

矣時館陶劉武節得官鄆邑雅與先生相善

官既滿請先生東遊至家築菴奉之劉亦入

道為門弟子厥後道緣日盛門徒雲集又數年先生示微疾順化其體若蟬蛻而輕遠近觀者大加歎異門人具禮葬於菴側關中兵後道東即先生華亭環園大行興建為太清觀矣

趙九淵

先生姓趙氏諱九淵字幾道湛然子其號也世為隴州隴安縣之右族先生自幼不同兒

輩戲狎既長賦性謹愿平居寡言體貌魁偉襟度灑落習儒業嘗中鄉試之甲科故隴人

以解元呼之不事功名每有高蹈遠引之志年逾三十未嘗婚娶天定戊戌秋丹陽宗師

演化隴川一時歸嚮者雲集先生見之而心醉曰此吾歸休之地於是設齋炷香請預第

子列丹陽納之明年丹陽還祖庭先生從居之朝叩夕參於道德性命之學大有所得迨

壬寅丹陽仙仗東歸先生往來終南鳳隴之間徜徉自若也河內張邦直尹扶風日常延

致其家與之談道每留數月為方外忘形之交先生作文尚平淡詩句雅健得陶謝體每

誦老莊黃庭為目課非法之言略不出口聞人談及他人之短輒瞑目不與之相接但云置論徒敗德招怨躬自厚而薄責於人聖人之遺訓也故所至人皆敬慕之正大木鳳隴兵亂先生自艾深入隴山莫知所終及大元撫治輔正洞真真人于君奉旨住持終南祖

庭尋訪先生遺文得於隴州拓德觀鄭鍊師

子周處目之曰思玄集中統初京兆吳天觀

先生門人趙志沖於府城之北特置吉地請

翰林待制孟攀鱗作誌起墳葬先生之衣冠

以致春秋之祀云

蘇鉞

先生性蘇氏名鉞號雲中子華州蒲城人賦性寬慈謙而好禮遇煙霞勝舉終日忘返大

定辛卯春詣終南祖庭丹陽宗師席下乞垂

開度丹陽置諸左右教以入道儀範服勞既

久未嘗少懈丹陽付授道妙及屢以詩詞接

引使進真功以至心源明了道體沖融一時

羽屬皆以小丹陽目之其造道之深可見矣

後辭師游海上和光同塵扶宗翊教壬寅夏

官既滿請先生東遊至家築菴奉之劉亦入

矣時館陶劉武節得官鄆邑雅與先生相善

官既滿請先生東遊至家築菴奉之劉亦入

丹陽東歸復侍几杖迨丹陽之上仙也盤桓
登萊之間明昌初長泰宗師命先生演教燕
薊佳崇福觀道緣日興從游者衆一日謂門
人曰世緣塵務何時了絕吾其歸矣言訖綠
雲繚繞空際挽肘而逝至大元乙巳冬清和
真人移葬于五華山仙瑩真常真人奉朝命
追贈體元輔教雲中真人號云

于通清

先生河東隰州人姓于氏諱通清字泰寧道
號真光子初母夢神人授丹一粒服之有娠
洎分瑞之日紅光照室半日方散夙喪其父
所居與神霄宮相近先生髫髻之歲母氏攜
柱宮炷香手指道像而問母曰此聖真者人
可得而為乎母曰唯志於道者可得而近之
先生心諾其言自是時詣宮嬉游每見黃冠
師誦經必澄坐其側諦聽筵終而去既長為
人端且不事家產恒有高蹈物表之志但未
知所適年幾冠母氏終天葬祭盡禮大定己
亥歲忽一道者詣門乞食先生飯之因問將
安往道者告以將詣終南參師先生乃從其

行謁見丹陽宗師於祖庭丹陽問其行止先
生具實以告丹陽留居座下執巾瓶之役數
年一日手書立身法付之曰遵是而行仙階
可至又屢授真訣乃得心性圓通後丹陽東
歸留先生居祖庭迨明昌辛亥長春亦東還

海上先生從居棲霞之太虛觀又數載長春
進而前曰聖賢教門方欲開闡汝可分適北
京等處弘揚吾道遂授以親翰付界教法先
生承命至霄都環居三載其神光屢見僚庶
敦請出環參玄問道者不可勝計莫不虛往
而實歸厥後道緣日興度門弟子踰千人唯
盧柔和丁至一為入室僚庶選京城東北隅
爽壇之地築華陽觀奉之先生亦自號陰陽
隱士大安己巳玉陽真人仙仗北來館于觀
下無何挈先生至燕都保賜紫衣師號自是
道價益高門徒愈集自祐甲戌歲蒙長春書
召還棲霞之太虛觀俾主觀事與定改元土
寇擾攘遷居福山縣杏山村之修真菴忽然
先生集衆告曰今日天氣清明北兵寢息吾
其歸矣遂沐浴書頌曰今朝推倒無根樹頂

刻板翻鍊藥鑪我獨去時無滯礙杖藜倒曳
赴蓬壺擲筆瞑目而逝春秋五十有六時五
雲繚繞籠罩菴所竟日不散兵後住持彭德
府天慶宮門下法孫李志方遷先生遺體葬
于府城西北王裕村之仙瑩構堂以奉香火
矣

趙悟玄

先生姓趙名悟玄字子深道號了真子京兆
臨潼人家世業農寄母胎十有二月生於天
德元年五月初二日分瑞之際神光滿室親
屬相傳莫不為異既長志尚清虛不樂世俗
大定庚寅春丹陽宗師率丘劉譚三友入關
道經零口鎮先生見之識其非凡遂邀至家
設齋延待既而與母魏氏并姊弟妻姪六人
俱詣終南祖菴後丹陽出家丹陽方急於度
人立教俱蒙允納各付以修真微旨及嗣後
屢以法言誘掖皆能為玄門之達者惟先生
侍丹陽景久既得法之後於劉蔣居環者數
年庚子歲京兆趙恩舍宅修蓬萊菴請先生
居環忻然就請元坐逾十年爾後邠州津化

縣秦莊道友李氏築環來請先生又往居一
 紀之歲遂得心符至道因折柏四技插於環
 中迄今榮茂秦和中成寧縣樊川維希瑄聞
 先生為有道者築環請居之一日房第雖都
 巡於京兆茶肆內見一道者來乞錢遂手付
 一文與之而去後月餘還家謁先生於環堵
 見而驚曰此向日茶肆乞錢道者也問兄先
 生亦嘗出乎曰無都巡乃焚香拜禮以未陽
 村世業柏坡與先生修全道菴永為棲真福
 田先生嘗謂弟子然逸期曰京兆太白廟道
 祖玄元示迹之地向者丹陽已築堂其側他
 日必為崇福道場汝可居之先生亦時往來
 其中今果為名觀矣居數載先生復往淳化
 以大安三年三月十有七日無疾而逝享年
 六十有三生平暢道詩詞號曰仙梯集行于
 世度弟子數百人惟王德邁然逸期為入室
 後移葬先生於樊川全道菴之柏坡訪平涼
 同知楊庭秀為作墓碑以紀其道行天與兵
 後就全道故址大行興建為翠微宮矣壬子
 歲真常真人炷香祖庭贈以弘玄真人號

段明源

先生世居平水法諱光普字明源道號真陽
 子幼而聰慧長而豪俠因酒悞傷人肢體避
 罪入關中偶至終南祖庭聞丹陽宗師談道
 大有開悟於是焚香拜禮懇祈出家丹陽見
 許恭執勞役以事左右數年之間漸有得於
 心一日號告師前丹陽教以慕欲澄心推強
 挫銳先生既蒙印可行其所受之學不數載
 乃得心字瞻明臻於妙道遂杖筇還河東於
 稷山縣城之北築了真菴居環堵自此依歸
 者眾歲壬寅夏忽謂門人曰丹陽宗師將東
 歸可備香信汝等隨吾往謁即出環車眾而
 行甫抵潼關仙仗果至矣丹陽叩其所修先
 生以所進卷之丹陽嘆曰關中已有趙悟玄
 河東又得段明源吾教得所傳矣先生拜辭
 而回道價益高三原揚明真聞之往詣參請
 多蒙指授仍以物外人詞見贈迨明昌政元
 二月二十八日先生召門人曰吾有三山之
 遊沐浴書頌云歲久樂希夷光明性燭輝靈
 通三島路氣結六銖衣放曠無拘束逍遙出

是非默然無一事鶴馭綠雲歸書畢曲肱而
 逝目光炯然數目不落備禮葬于了真菴側
 平生歌詩號曰明源集行于世矣
 終南山祖庭仙真內傳卷上

(019) A. B. 33-3